

# Dr Briefkaschteblues

© Aernschd Born Text Musik 2010

|                    |   |
|--------------------|---|
| Genre              | Song zur Armut, Basler Mundart  |
| Kurzbeschreibung   | Die panische Angst vor dem vollen Briefkasten   |
| Veröffentlicht auf | Youtube   |
| Besetzung          | Aernschd Born Gesang Gitarre Instrumente  |
| Aufgenommen        | Kulturpavillon Basel 2010   |
| Anhören            | <a href="http://www.musicday.com/player/?band=aernschd-born&amp;song=bzl">http://www.musicday.com/player/?band=aernschd-born&amp;song=bzl</a> |
| Ansehen            | <a href="http://www.youtube.com/watch?v=qG9k1YMT9hc">http://www.youtube.com/watch?v=qG9k1YMT9hc</a>   |

## 1. Strophe A

Ich ha d Läde alli zue  
I schliich in d Kuchi ohni Schueh  
Alli Liechter sin glösch  
Und mi Härz schloht so fescht  
Wenn löhn si mi äntlig in Rueh

Sogar dr Kühlschrangg isch vermüllt  
Ha dr Schlüssel zwäimol drüllt  
I schtell s Händy nümme aa  
Ha käi Chance gha  
Und ha si verspilt

## 1. Strophe B

I schtegg hinterem Vorhang regigslos  
I druggs s Nastuech mit bäide Füscht uff mi Schoss  
dr Scharfrichter wartet unde uf dr Schtross  
Und het glütte

## 2. Strophe A

Är lütet nonemol und nonemol  
Ich wäiss scho was das soll  
Är schribt mi Name uff Blogg  
I hogg im zwäite Schtogg  
Är luegt uff und fixiert mi voll

Hejo natürlig isch er suur  
Er luegt übere uff d Kirchturmuh  
Mini Zit isch notiert  
Mi Verschtegg protokolliert  
Bi de Käschte an dr Ziegelschtäimuur

## 2. Strophe B

Und denne kläbdt die schwarzi Unperson  
Zue mim Namensschild dä Zettel vo dr Diräggtion  
Denn schtigt er widr uff si Abgas-Thron  
Und suecht s Wite

## Refrain

I ha dr Briefkaschteblues  
Wäge däm Kaschte vor em Huus  
Voll Rächtnige und Mahnige, Betriibige und Drohige  
Für Schtrom ab, Gas ab, Häizig ab, Kopf ab  
Briefkaschteblues  
I hass dä Kaschte vor em Huus  
Jedi Absag isch e Gingg  
I versingg  
I verdringg  
Und si wünsche mir dodrbii viil Erfolg

## 3. Strophe A

I trau mi nümme vor d Tür  
Das Schtägehuus isch mir nümme ghüür  
Für die Schtuefe do z durab  
Bin i z feig und z schlapp  
Und ich schäm mi so drfür

Es isch dä Gang zum Schaffot  
Woni nümme laufe wott  
Vo dr Wohnig bis an d Schtross  
Isch mi Angscht vil z gross  
Vor däne Krot woni no schlugge sott

## 4. Strophe B

Dört unde wartet sicher scho tagelang  
Mini Kündigung samt Rümigszwang  
Mi Konto hän si gleert hän si gschpeert  
I gang nümme us däre Hütte

## Refrain

## 4. Strophe A

Ha immer gschuftet wie e Tier  
Und trotzdem bliibi schtier  
Kuum kunnt e grüne Zwiig  
Wo i beschiig  
Bricht er ab, dass i dr Halt verlier

Wurdis bäbe richtig wild  
Und wär ganz Basel killt  
Öppis giengti nit kabutt  
Und luegt immer em Schutt:  
Dä Silberkaschte mit mim Namensschild

## 4. Strophe B

Wär Schtutz vo mir wott bliibt mr e ewig treu  
Aber ehrliigi Brot-Jöbs hän si mir e käi  
Und am halber äins komme mini Kinder häi  
und wän e Schnitte

## Refrain + Schluss

Und si wünsche mir immerhin witerhin viil Erfolg  
Aber witer wäiss i nümme